

**Ársskýrsla Námsgagnasjóðs**  
**skólaárið 2016-2017**

Lög um námsgögn voru samþykkt á Alþingi 28. mars 2007. Markmið laganna er að tryggja framboð og fjölbreytileika námsgagna í samræmi við þarfir nemenda og skóla. Í lögnum er kveðið á um stofnun Námsgagnasjóðs og Próunarsjóðs námsgagna, auk þess sem fjallað er um Námsgagnastofnun.

Námsgagnasjóður hefur það hlutverk að leggja grunnskólum til viðbótarfé til námsgagnakaupa í því augnamiði að tryggja val þeirra um námsgögn. Með tilkomu sjóðsins hafa grunnskólar aukið svigrúm til námsgagnakaupa til viðbótar við úrval Menntamálastofnunar, áður Námsgagnastofnunar. Grunnskólar fá áfram námsgögn frá Menntamálastofnun.

Fram til ársins 2012 var framlag í Námsgagnasjóð ákveðið í fjárlögum ár hvert. Fyrsta úthlutun úr sjóðnum fór fram í nóvember 2007. Vegna niðurskurðar í ríkisútgjöldum varð mennta- og menningarmálaráðuneytið að skerða framlög til sjóðsins. Í töflunni hér að neðan má sjá framlög til sjóðsins frá árinu 2007.

Ár	Framlag í millj. kr.
2017	54
2016	54
2015	54
2014	54
2013	40
2012	40
2011	40
2010	60
2009	50
2008	100
2007	100

Mennta- og menningarmálaráðherra skipar stjórn sjóðsins til fjögurra ára í senn. Einn stjórnarmaður er tilnefndur af Kennarasambandi Íslands og einn af Sambandi íslenskra sveitarfélaga. Einn stjórnarmaður er skipaður án tilnefningar og skal hann vera formaður en varaformaður er skipaður úr hópi tilnefndra aðalmanna. Varamenn skulu skipaðir með sama hætti.

Í upphafi árs 2012 var skipað í nýja stjórn Námsgagnasjóðs og er skipunartími hennar frá 26. apríl 2012 til 25. apríl 2016. 25. janúar 2017 var skipunartíminn framlengdur til 31. desember 2017 á meðan verið er að endurskoða stefnu um námsgögn og þar með talið starfsumhverfi sjóðsins.

Eftirtaldir skipa stjórn Námsgagnasjóðs.

**Aðalmenn:**

Guðni Olgeirsson, án tilnefningar, formaður,  
Helga Guðmundsdóttir, tilnefnd af Sambandi íslenskra sveitarfélaga, varaformaður,  
Guðbjörg Ragnarsdóttir, tilnefnd af Kennarasambandi Íslands.

**Varamenn:**

Marta Guðrún Skúladóttir, án tilnefningar,  
Nanna Kristín Christiansen, tilnefnd af Sambandi íslenskra sveitarfélaga,  
Kristinn Breiðfjörð, tilnefndur af Kennarasambandi Íslands.

Samkomulag um tímabundna breytingu á verkaskiptingu ríkis og sveitarfélaga var undirritað 5. október 2011. Eitt af þeim verkefnum sem samkvæmt samkomulaginu færðust frá ríki til sveitarfélaga var fjármögnun og rekstur Námsgagnasjóðs. Umsýsla sjóðsins, sem frá stofnun sjóðsins hafði verið hjá mennta- og menningarmálaráðuneytinu, færðist við undirritun samkomulagsins til Sambands íslenskra sveitarfélaga. Starfsmenn sjóðsins eru Klara E. Finnbogadóttir og Valgerður Freyja Ágústsdóttir. Umsýslukostnaður greiðist af ráðstöfunarfé sjóðsins.

Þann 31. október 2016 var reglugerð um Námsgagnasjóð nr. 1111/2007 felld úr gildi og við tóku nýjar [úthlutunarreglur Námsgagnasjóðs nr. 899](#) (sjá fylgiskjal 1). Helstu breytingar með tilkomu úthlutunarreglnanna eru að:

- Grunnskólar þurfa ekki lengur að skila inn skilagrein til sjóðsins. Vefgáttinni <http://namsgagnasjodur.is> hefur verið lokað.
- Ábyrgð á eftirfylgd með ráðstöfun fjármagns úr sjóðnum er færð til rekstraraðila grunnskóla, þ.e.a.s. að þeim er ætlað að fylgjast með því að grunnskólar nýti fjármagnið samkvæmt úthlutunarreglum sjóðsins.
- Námsgagnasjóður getur kallað eftir gögnum um ráðstöfun úthlutunarfjár frá rekstraraðilum grunnskóla. Komi í ljós við eftirlit að grunnskóli hafi ráðstafað fjármunum úr Námsgagnasjóði til annars en heimilað er í úthlutunarreglum sjóðsins getur stjórn sjóðsins krafist endurgreiðslu.
- Hér eftir verða greiðslur fyrir hvern grunnskóla, óháð rekstrarformi, inntar af hendi til rekstraraðila í septembermánuði ár hvert.

Námsgagnasjóður tilkynnti þessar breytingar til sveitarfélaga/rekstraraðila grunnskóla, skólaskrifstofa og grunnskóla með bréfi, dags. 16. nóvember 2016, og tölvupósti, dags. 17. nóvember 2016.

Fjármunum sem eru til ráðstöfunar á ári hverju, að frátöldum umsýslukostnaði, er úthlutað til grunnskóla til námsgagnakaupa. Hlutdeild hvers grunnskóla ræðst af nemendafjölda á grundvelli nýjustu upplýsinga frá Hagstofu Íslands um fjölda skráðra nemenda í hverjum grunnskóla. Grunnskólar með 150 nemendur eða færri fá reiknað álag á hvern nemanda.

Samkvæmt úthlutunarreglum sjóðsins er grunnskólum einungis heimilt að ráðstafa fjármunum úr Námsgagnasjóði til kaupa á námsgögnum frá lögaðilum öðrum en Menntamálastofnun og skulu námsgögnin samrýmast markmiðum aðalnámskrár grunnskóla. Óheimilt er að verja fjármunum úr Námsgagnasjóði til búnaðar- og tækjakaupa. Rekstraraðilar grunnskóla bera ábyrgð á að fylgjast með því að grunnskólar nýti fjármagnið samkvæmt úthlutunarreglum sjóðsins.

Vorið 2016 skiluðu tólf grunnskólar ekki skilagrein Námsgagnasjóðs á tilsettum tíma og voru því ekki með í úthlutun fyrir skólaárið 2016-2017, skv. þágildandi reglugerð þar sem kveðið var á um að grunnskólar þurfi að gera grein fyrir ráðstöfun fjármagns úr sjóðnum eigi síðar en 30. apríl ár hvert.

Heildartekjur sjóðsins árið 2016 voru 54 m.kr. af þeirri upphæð var rúmum 52,7 m.kr. úthlutað til grunnskóla landsins (sjá fylgiskjal 2) fyrir skólaárið 2016-2017. Annar kostnaður var upp á rúma 1,3 m.kr. þar inni er kostnaður við hýsingu heimasvæðis og gagnagrunns, skrifstofukostnaður og kostnaður vegna starfsmanna.

Reykjavík, 11. september 2017

f.h. stjórnar Námsgagnasjóðs

---

Guðni Olgeirsson, formaður

Fylgiskjal 1: Úthlutunarreglur Námsgagnasjóðs nr. 899/2016

ÚTHLUTUNARREGLUR  
Námsgagnasjóðs.

1. gr.

Hlutverk Námsgagnasjóðs er að leggja grunnskólum til fé til námsgagnakaupa í því augnamiði að tryggja val þeirra um námsgögn, sbr. 6. gr. laga um námsgögn nr. 71/2007.

2. gr.

Fjármunum sem eru til ráðstöfunar á ári hverju, að frátöldum umsýslukostnaði, er úthlutað til grunnskóla til námsgagnakaupa. Hlutdeild hvers grunnskóla ræðst af nemendafjölda á grundvelli nýjustu upplýsinga frá Hagstofu Íslands um fjölda skráðra nemenda í hverjum grunnskóla.

Grunnskólar með 150 nemendur eða færri fá reiknað álag á hvern nemenda sem hér segir:

- a. 1-50 nemendur fá 20% hærri úthlutun.
- b. 51-100 nemendur fá 10% hærri úthlutun.
- c. 101-150 nemendur fá 5% hærri úthlutun.

Stjórn Námsgagnasjóðs hefur eftirlit með framkvæmd úthlutunar. Ákvörðun um úthlutun er endanleg og verður ekki skotið til æðra stjórnvalds.

3. gr.

Greiðsla fyrir hvern grunnskóla, óháð rekstrarformi, er innt af hendi til rekstraraðila í septembermánuði ár hvert. Rekstraraðilar grunnskóla fylgjast með því að grunnskólar nýti fjármagnið samkvæmt úthlutunarreglum sjóðsins.

4. gr.

Grunnskólum er einungis heimilt að ráðstafa fjármunum úr Námsgagnasjóði til kaupa á náms-gögnum frá lögaðilum öðrum en Menntamálastofnun og skulu námsgögnin samrýmast markmiðum aðalnámskrár grunnskóla. Óheimilt er að verja fjármunum úr Námsgagnasjóði til búnaðar- og tækja-kaupa.

Grunnskólum er heimilt að færa óráðstafað úthlutunarfé á milli skólaára.

5. gr.

Námsgagnasjóður getur kallað eftir gögnum um ráðstöfun úthlutunarfjár frá rekstraraðilum grunnskóla. Komi í ljós við eftirlit að grunnskóli hafi ráðstafað fjármunum úr Námsgagnasjóði til annars en heimilað er í úthlutunarreglum þessum getur stjórn sjóðsins krafist endurgreiðslu.

6. gr.

Umsýslukostnaður skal greiddur af ráðstöfunarfé sjóðsins til að standa undir rekstri hans. Umsýslukostnaður skal að hámarki vera 3% af ráðstöfunarfé sjóðsins ár hvert.

Umsýsluaðili skal birta á vef upplýsingar um starfsemi sjóðsins.

7. gr.

Úthlutunarreglur þessar eru settar samkvæmt heimild í 3. mgr. 6. gr. laga um námsgögn nr. 71/2007 og öðlast þegar gildi.

*Mennta- og menningarmálaráðuneytinu, 17. október 2016.*

**Illugi Gunnarsson.**

\_\_\_\_\_  
*Karitas H. Gunnarsdóttir.*

B-deild – Útgáfud.: 31. október 2016

Fylgiskjal 2: Úthlutun úr Námsgagnasjóði skólaárið 2016-2017

Úthlutun úr Námsgagnasjóði skólaárið 2016-2017

Akurskóli	564.072	Gerðaskóli	251.111
Alþjóðaskólinn á Íslandi	97.970	Glerárskóli	384.707
Austurbæjarskóli	539.332	Grandaskóli	368.626
Álfhólsskóli	838.686	Grenivíkurskóli	69.396
Álftanesskóli	544.280	Grundaskóli	728.593
Árbæjarskóli	769.414	Grunnskóli Bolungarvíkur	157.161
Árskógarskóli	31.172	Grunnskóli Borgarfjarðar	244.926
Árskóli	411.921	Grunnskóli Borgarfjarðar eystri	14.844
Ártúnsskóli	222.660	Grunnskóli Djúpavogs	87.085
Áslandsskóli	643.240	Grunnskóli Fáskrúðsfjarðar	118.381
Barnask. Hjallast. á Vífilstöðum	192.230	Grunnskóli Fjallabyggðar	249.874
Barnask. Hjallast. Reykjavík	196.683	Grunnskóli Grindavíkur	592.523
Barnask. Hjallast. við Hjallabraut	176.644	Grunnskóli Grundarfjarðar	125.184
Barnask. á Eyrarbakka og Stokkseyri	170.149	Grunnskóli Hornafjarðar	321.620
Bláskógaskóli - Laugarvatni	56.407	Grunnskóli Húnaþings vestra	194.828
Bláskógaskóli - Reykholti	106.135	Grunnskóli Mýrdalshrepps/Víkurskóli	70.756
Breiðagerðisskóli	457.690	Grunnskóli Reyðarfjarðar	196.683
Breiðholtsskóli	534.384	Grunnskóli Seltjarnarness	619.737
Brekkubæjarskóli	536.858	Grunnskóli Snæfellsbæjar	304.302
Brekkuskóli	598.708	Grunnskóli Vestmannaeyja	650.662
Brúarásskóli	65.314	Grunnskóli Vesturbyggðar	179.241
Brúarskóli	43.048	Grunnskóli Öndarfjarðar	32.657
Dalskóli	192.230	Grunnskólinn á Bakkafirði	20.782
Dalvíkurskóli	280.799	Grunnskólinn á Blönduósi	155.862
Fellaskóli (Fellabæ)	133.782	Grunnskólinn á Drangnesi	14.844
Fellaskóli (Reykjavík)	397.077	Grunnskólinn á Eskafirði	179.241
Finnbogastaðaskóli	7.422	Grunnskólinn á Hellu	164.954
Flóaskóli	126.545	Grunnskólinn á Hólmavík	74.839
Flúðaskóli	151.965	Grunnskólinn á Ísafirði	404.499
Foldaskóli	590.049	Grunnskólinn á Raufarhöfn	10.391
Fossvogsskóli	414.395	Grunnskólinn á Stöðvarfirði	29.688
Garðaskóli	575.205	Grunnskólinn á Þórshöfn	84.363

Grunnskólinn Egilsstöðum	439.135	Klébergsskóli	164.954
Grunnskólinn í Borgarnesi	357.493	Kópavogsskóli	385.944
Grunnskólinn í Breiðdalshreppi	17.813	Krikaskóli	136.379
Grunnskólinn í Grímsey	11.875	Landakotsskóli	215.238
Grunnskólinn í Hofgarði	5.938	Langholtsskóli	789.206
Grunnskólinn í Hveragerði	409.447	Laugalandskóli í Holtum	99.331
Grunnskólinn í Sandgerði	270.903	Laugalækjarskóli	351.308
Grunnskólinn í Stykkishólmi	188.333	Laugargerðisskóli	31.172
Grunnskólinn í Porlákshöfn	244.926	Laugarnesskóli	632.107
Grunnskólinn Suðureyri	69.767	Lágafellsskóli	904.247
Grunnskólinn Þingeyri	44.532	Lindaskóli	616.026
Hagaskóli	616.026	Lundarskóli	526.962
Hamraskóli	194.828	Lækjarskóli	644.477
Háaleitisskóli	602.419	Melaskóli	802.813
Háaleitisskóli (Reykjanesbæ)	186.787	Myllubakkaskóli	390.892
Háteigsskóli	545.517	Naustaskóli	456.453
Heiðarskóli (Leirársveit)	126.545	Nesskóli	261.007
Heiðarskóli (Reykjanesbæ)	484.904	Njarðvíkurskóli	456.453
Hlíðaskóli	557.887	Norðlingaskóli	684.061
Hofsstaðaskóli	607.367	Oddeyrarskóli	231.319
Holtaskóli	539.332	Reykhólaskóli	68.282
Hólabrekkuskóli	592.523	Reykjahlíðarskóli	47.501
Hrafnagilsskóli	188.024	Reykjavík International School	10.391
Hraunvallaskóli	1.065.057	Réttarholtsskóli	494.800
Húnavallaskóli	69.767	Rimaskóli	681.587
Húsaskóli	247.400	Salaskóli	687.772
Hvaleyrarskóli	502.222	Seláskóli	279.562
Hvolsskóli	285.747	Seljaskóli	769.414
Höfðaskóli	127.906	Setbergsskóli	487.378
Hörðuvallaskóli	956.201	Síðuskóli	493.563
Ingunnarskóli	514.592	Sjálandskóli	343.886
Kársnesskóli	674.165	Skóli Ísaks Jónssonar	214.001
Kelduskóli	505.933	Smáraskóli	450.268
Kirkjubæjarskóli	65.314	Snælandsskóli	522.014
Klettaskóli	150.667	Stóru-Vogaskóli	231.319



Suðurhlíðarskóli	53.438
Sunnulækjarskóli	743.437
Súðavíkurskóli	28.204
Sæmundarskóli	573.968
Tjarnarskóli	54.923
Vallaskóli	643.240
Varmahlíðarskóli	167.552
Varmárskóli	904.247
Vatnsendaskóli	681.587
Vesturbæjarskóli	481.193
Víðistaðaskóli	825.079
Vogaskóli	383.470
Vopnafjarðarskóli	118.381
Vættaskóli	603.656
Waldorfskólinn Lækjarbotnum	97.970
Waldorfskólinn Sólstafir	78.921
Pelamerkurskóli	108.856
Pingeyjarskóli	96.610
Þjórárskóli	63.829
Ölduselsskóli	571.494
Öldutúnsskóli	617.263
Öxarfjarðarskóli	47.501